



ZAPISNIK O RADU 55. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 02.04.2024. GODINE

Broj: 01-GV-02-507/24
Sarajevo, 02.04.2024. godine

Prisutni:

1. Jasmin Ademović, predsjedavajući Gradskog vijeća
2. Toni Vukadin, predsjedavajući Kluba gradskih vijećnika Naroda i Pravde
3. Adi Škaljić, predsjedavajući Kluba gradskih vijećnika Naše stranke
4. Muamer Mekić, predsjedavajući Kluba gradskih vijećnika Socijaldemokratske partije BiH
5. Vedad Deljković, predsjedavajući Kluba gradskih vijećnika „Deljković-Simonović-Čengić“
6. Samir Bejić, predsjedavajući Kluba gradskih vijećnika „Danijela Šahat-Samir Bejić“
7. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
8. Enisa Spahić, predsjedavajuća Kluba gradskih vijećnica „Enisa Spahić-Amra Zulfikarpašić“
9. Bajro Biber, predsjedavajući Kluba gradskih vijećnika „USD-BOSS“
10. Seid Škaljić, predsjedavajući Kluba gradskih vijećnika „Seid Škaljić-Željko Majstorović“
11. Jasmin Skorupan, predsjedavajući Kluba gradskih vijećnika „Korora/Skorupan“
12. Mila Eminović, sekretar Gradskog vijeća

Odsutna: Mirela Džehverović, zamjenica predsjedavajućeg Gradskog vijeća

Sjednici je prisustvovao Samir Avdić, zamjenik gradonačelnice Grada Sarajeva.

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.08 sati, pozdravio prisutne, te konstatovao kvorum za punovažan rad i odlučivanje

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** Zapisnik o radu 54. sjednice Kolegija Gradskog vijeća, održane 22.03.2024. godine.



Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 55. sjednice Kolegija Gradskog vijeća, tako da glasi:

1. Priprema za održavanje 39. sjednice Gradskog vijeća Grada Sarajeva
2. Tekuća pitanja
 - Priprema za obilježavanje 06. aprila – Dana Grada Sarajeva (prilog: Program obilježavanja polaganja cvijeća i odavanja počasti povodom 05. aprila Dana opsade Sarajeva i 06. aprila Dana Grada Sarajeva)

Ad 1)

Priprema za održavanje 39. sjednice Gradskog vijeća Grada Sarajeva

a) Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći **zaključak**:

- 39. sjednica Gradskog vijeća će se održati u **srijedu 24.04.2024. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem u **srijedu 03.04.2024. godine**;
- Sjednice radnih tijela, u pripremi 39. sjednice Gradskog vijeća, održat će se u **ponedjeljak 08.04.2024. godine i utorak 09.04.2024. godine, a po potrebi i u ponedjeljak 15.04.2024. godine i utorak 16.04.2024. godine**;
- Pozivi gradskim vijećnicima za 39. sjednicu Gradskog vijeća će se uputiti u **srijedu 17.04.2024. godine**.

Članovi Kolegija Vedad Deljković i Toni Vukadin su pristupili sjednici Kolegija u 14.10 sati.

b) Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Prijedlog Odluke o izmjenama i dopuni Odluke o upotrebi grba, imena i isticanju zastave Grada Sarajeva, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 39. sjednice Gradskog vijeća.

Informacija o implementaciji Plana djelovanja za mlade, prema informaciji Gradonačelnice, **nije spremna** i neće biti uvrštena u prijedlog dnevnog reda 39. sjednice Gradskog vijeća.

Informacija o aktivnostima Grada Sarajeva na zaštiti sarajevskog ćevapa kao autohtonog domaćeg proizvoda, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 39. sjednice Gradskog vijeća.

Informacija o realizaciji projekta izgradnje mreža za odvodnju fekalnih otpadnih voda objekta koji je lociran uz dolaznu stanicu Trebevičke žičare, prema informaciji Gradonačelnice, **nije spremna** i neće biti uvrštena u prijedlog dnevnog reda 39. sjednice Gradskog vijeća.

Informacija o realizaciji projekta sanacije zacjevljenog bistričkog potoka, prema informaciji Gradonačelnice, **nije spremna** i neće biti uvrštena u prijedlog dnevnog reda 39. sjednice Gradskog vijeća.

Izvještaj o radu Odbora za organizaciju obilježavanja 40. godišnjice zimskih olimpijskih igara održanih 1984. u Sarajevu i realizaciji Programa obilježavanja 40. godišnjice ZOI 1984 Sarajevo čiji je predlagatelj Odbor, prema informaciji Jasmina Ademovića, predsjedavajućeg Gradskog vijeća i predsjedavajućeg Odbora, **će biti pripremljena** i očekuje se da će biti uvrštena u prijedlog dnevnog reda 39. sjednice Gradskog vijeća.

Izvještaj o provođenju Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo u 2023. godini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 39. sjednice Gradskog vijeća.

c) *Teme planirane Programom rada Gradskog vijeća Grada Sarajeva za mjesec januar, februar i mart 2024. godinu, koje nisu realizovane*

Nacrt Odluke o podizanju Spomen-obilježja civilnim žrtvama rata Kantona Sarajevo, prema informaciji Gradonačelnice, **nije spreman** i neće biti uvršten u prijedlog dnevnog reda 39. sjednice Gradskog vijeća.

Informacija o upisu učenika u srednje škole na području Grada Sarajeva u školskoj 2023./2024. godini, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 39. sjednice Gradskog vijeća.

Informacija o uspjehu učenika srednjih škola na području Grada Sarajeva u školskoj 2022./2023. godini, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 39. sjednice Gradskog vijeća.

Prijedlog Odluke o izmjeni i dopuni Odluke o načinu sticanja statusa udruženja i fondacija od posebnog značaja za Grad Sarajevo, prema informaciji Gradonačelnice, **nije spreman** i neće biti uvršten u prijedlog dnevnog reda 39. sjednice Gradskog vijeća.

Informacija o kandidaturi Grada Sarajeva za „Evropsku prijestolnicu mladih 2026“ prema informaciji Gradonačelnice, **nije spremna** i neće biti uvrštena u prijedlog dnevnog reda 39. sjednice Gradskog vijeća.

d) *Novi prijedlozi:*

Aida Bajramović, sekretarka organa uprave je upoznala članove Kolegija da će Gradonačelnica za 39. sjednicu Gradskog vijeća predložiti i sljedeće materijale:

- Prijedlog Odluke o sufinansiranju kulturne manifestacije od posebnog interesa i međunarodnog značaja za Grad Sarajevo u 2024. godini – „30. Sarajevo film festival“,
- Prijedlog Odluke o davanju saglasnosti gradonačelnici Grada Sarajeva za zaključenje Sporazuma o primopredaji projekta tekućeg održavanja fasade zgrade Vječna vatra,
- Prijedlog Odluke o prihvatanju zasnivanja prava građenja bez naknade i davanju saglasnosti gradonačelnici Grada Sarajeva za potpisivanje - zaključivanje Ugovora o zasnivanju prava građenja bez naknade.

Aida Bajramović, sekretarka organa uprave je pojasnila da se predložena Odluka, u trećoj alineji, odnosi na Astronomske opservatorij Trebević.

Jasmin Ademović, predsjedavajući Gradskog vijeća je podsjetio članove Kolegija da će u prijedlog dnevnog reda 39. sjednice Gradskog vijeća biti uvrštena i tačka izbor zamjenika predsjedavajućeg Gradskog vijeća.

Ad 2)

Tekuća pitanja

- *Priprema za obilježavanje 06. aprila - Dana Grada Sarajeva*

U uvodnim napomenama **Jasmin Ademović, predsjedavajući Gradskog vijeća** je upoznao članove Kolegija da je uz poziv za sjednicu Kolegija Gradskog vijeća dostavljen i Program obilježavanja polaganja cvijeća i odavanja počasti povodom 05. aprila - Dana opsade Sarajeva i 06. aprila - Dana Grada Sarajeva te je pozvao predsjedavajuće klubova gradskih vijećnika da obavijeste gradske vijećnike da potvrde svoje prisustvo na odabranim lokacijama predviđenim za polaganje cvijeća i na istim prisustvuju.

Također je dao određene upute predsjedavajućim klubova gradski vijećnika o kojima je potrebno da upoznaju gradske vijećnike, a vezano za Svečanu sjednicu Gradskog vijeća u povodu 6. aprila - Dana Grada Sarajeva.

Jasmin Ademović, predsjedavajući Gradskog vijeća je podsjetio predsjedavajuće klubova gradskih vijećnika na obavezu dostavljanja izvještaja o utrošku sredstava isplaćenih iz Budžeta Grada Sarajeva za 2023. godinu, obzirom da pojedini klubovi izvještaje, još uvijek, nisu dostavili Gradskoj službi finansija, a krajnji rok za dostavljanje izvještaja je bio 31.03.2024. godine.

Jasmin Ademović, predsjedavajući Gradskog vijeća je upoznao članove Kolegija da je Gradska služba za urbano planiranje, investicije, stambene i komunalne poslove uputila Dopis kojim obavještava Predsjedavajućeg Gradskog vijeća da je Zavod za planiranje razvoja Kantona Sarajevo uputio poziv Gradu Sarajevu za prezentaciju Nacrta Urbanističkog plana urbanog područja Sarajevo, a u sklopu održavanja Javnog uvida i javne rasprave na predmetni plan te da će se prezentacija održati u ponedjeljak 08.04.2024. godine u 10.00 sati u prostorijama Zavoda za planiranje razvoja Kantona Sarajevo.

Jasmin Ademović, predsjedavajući Gradskog vijeća je pozvao gradske vijećnike da prisustvuju prezentaciji.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.20 sati.

SEKRETAR GRADSKOG VIJEĆA

Mila Eminović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.